



Svi nakon ispitivanja pušteni da se brane sa slobode

AKCIJA "DELTA"

SIPA traga za vođom grupe

LJ. RADIĆ

SARAJEVO - U akciji "Delta" policijski službenici Državne agencije za istrage i zaštitu (SIPA) uhapsili su 26 osoba, osumnjičenih da su nezovoljenim prometom akciznih proizvoda i pranjem novca po osnovu neplaćene akcize oštetili budžet za oko 36 miliona i svi su nakon ispitivanja pušteni da se brane sa slobode.

"Nezavisne" saznaju i da je osim njih u svojstvu osumnjičenih saslušano još pet osoba, koje su takođe puštene, ali i da četiri osumnjičene osobe u ovom slučaju pripadnici SIPA

nisu pronašli.

Takođe saznajemo da će za jednom osobom biti raspisana potraga, a za koju se sumnja da je na čelu grupe koja je u dogovoru oformila nezakonit lanac otkupa, nabavke, prerade i proizvodnje cigareta, duvana i duvanskih prerađevina, te su ne plaćajući akcizne dadžbine oštetili budžet BiH za višemilionske iznose.

Osumnjičenima je na teret

OSUMNJIČENI DA SU OŠTETILI BUDŽET ZA OKO 36 MILIONA

stavljeno da su počinili krivično djelo organizovani kriminal, u vezi s nezovoljenim prometom akciznih proizvoda i pranjem novca.

Akcija je izvedena po naredbama Suda BiH i Tužilaštva BiH.

"Prilikom realizacije operativne akcije policijski službenici SIPA pretresli su lica, stambene i poslovne objekte na 32 lokacije u Brčkom, Obudovcu, Bijeljini, Tuzli, Srebreniku, Živinicama, Sarajevu, Zenici, Travniku, Novom Travniku, Vitezu, Posušju, Grudama, Ljubuškom, Mostaru i Tomislavgradu", rekao je Luka Miladinović, portparol SIPA.